

Puo ka Moapostola wa Setereke Kriel ho maloko wohle – 05 Phupu 2020

Banabeso le bokgaitsemi ba ratehang,

Ke ya leboha ho kgona ho bua le lona hape mabapi le ditaba tse nepahetseng tsa boruti le tsa tsamaiso.

Ho kgutlela kerekeng (Taba ena e sebetsa ho maloko a Afirka Borwa)

Nako e fetileng ha ke ne ke bua le lona, ke ile ka etsa kgoeletso ya hore re ke ke ra kgutlela kerekeng kgweding ya Phupjane le Phupu 2020. Ke le hammoho le Baapostola le Bobishopo ba lona, ke ntse ke tadimile maemo a tshwaetsano le sebopeho seo COVID-19 e namang ka sona lebatoweng la rona.

Bopaki ba bongaka, le merero ya tshupiso le dinnete tsa motheo di bontsha hore Afrika Borwa e tswelapele ho bontsha ho nyoloha ha ditshwaetse mme hape ho bonalaha ditshwaetso di tsamaela hoyana naheng ya Kapa Botjhabela le ya Gauteng. Ka nako eo Kapa Bophirimela e ne e lebelletse ho batalatsa kobamo, jwale taba ena le yona ho bonahala e diehile ho etshala. Basebeletsi ba rona ba bongaka le disebediswa tsa bona di dula di otllollohile.

Re neilwe mabaka a ka hodimo le ka kgatleho ya ho le abela tikoloho e bolokehileng ya ho lemoha tshebeletso e halalelang, re entse qeto ya hore re ke ke ra kgutlela ditshebeletsong tsa kereke kgweding ya Phato. Kgweding ya Phato re sa ntse re nakong ya mariha e leng nako ya serame le mokgohlane. Re tla tswelapele ka ho ela maemo hloko mme ke tla le tsebisa tshimolohong ya kgwedi ya Phato ka merero ya rona ya tshitsinyo yah o kgutlela ha rona kerekeng.

Boitshwaro bo Fosahetseng ba Thobalano

Jwale ke rata ho tadimisisa taba e tswelangpele ho tshwenya setjhaba sa rona mme hape e ile ya hlahella haholo nakong ya thibelo ya metsamawo ya batho. Taba ena ke Tlhekefetso ya Bong, le ho utlwisana bana bohloko le Boitshwaro bo Fosahetseng ba Thobalano.

Kereke e Ntjha ya Boapostola e ahlola dibopeho tsohle tsa Tlhekefetso ya Bong le ho utlwisana bana bohloko!

Re ile ra ehlwa tlhokeho ya ho ruta le ho hodisa tsebo ho maloko a rona (ho kenyelletswa le bana ba rona) le baruti ka thuto ena. Ka 2018, ke ile ka thea Sehlopha sa Tshebetso mabapi le Boitshwaro bo Fosahetseng ba Thobalano se neng se neilwe mosebetsi wa ho hlahisetsa kereke boitlamo mabapi le Boitshwaro bo Fosahetseng ba Thobalano. Sepheo sa kereke ka boitlamo bona mabapi le Boitshwaro bo Fosahetseng ba Thobalano e ne e le ho tiisa boemo ba yona ba ho se dumelle Boitshwaro bo Fosahetseng ba Thobalano le ho tshehetsa setjhaba sa rona ka ho sebetsana le ditaba tsa boitshwaro bo fosahetseng ba thobalano.

Ke a thaba hore kamorao ha dilemo tse 2 kereke e tla tataiswa ke boitlamo bona mabapi le ditaba tse tsamaisanang le boitshwaro bo fosahetseng ba thobalano. Boitlamo bona bo kenyelletsa molao le dintlha tsa boruti mme bo kenyelletsa le motheo wa ho sebetsana le ditaba tsena tsa boitshwaro bo fosahetseng ba thobalano.

Ho sebedisa boitlamo bona re hloka dihlahiso tsa maloko. Boitlamo bona bo a fumanaha hore bo ka downloadwa le ho balwa ho tswa ho website ya rona. Ke le kgothaletsa ho bala boitlamo bona mme ha o ena le dikananelo, ke kopa hore o di romele atereseng e latelang ya email smcomments@nac-sa.org.za . Re amohela dikananelo tsa hao.

Boemong baka ba Moapostola wa Setereke, ke thuswa ke sehlopha sa ba 4 ba tswang kantle ba nang le boiphihlelo le ba 3 ba baetellipele ba tsa boruti. Sehlopha sena se ntse se sebetsa ho tloha ka kgwedi ya Hlakubele 2020 mme diphetho tsa mosebetsi wa bona o tla nne o arolelanwe le lona ho ya ka dinako tse ho dumellanweng ka tsona. Ho bohlokwa hore ditaba tsena di fumane bolokolohi ba tsona le hore baetellipele ba boruti ba tataiswe ke ba rutilweng ba nang le boiphihlelo.

Re qala thuto ya rona e tla potolohang ka maloko a tla sebetsa boemong ba Tikoloho ya Moapostola mme ketso ena e tla thehela tlase dikarolong tse ding tsa kereke. Re batla batho ba nang le bohlale ba tla thusang boemong ba ditereke le ba diphuteho. Ha o ena le bohlale bo hlokeng, ke kopa o romele taba tsa boitsebiso ba hao ho applications@nac-sa.org.za

Bao ba iphumanang a entswe hampe ka baka la boitshwaro bo fosahetseng ba thobalano e le leloko kapa moruti a ka tlaleha ketsahalo ka ho ngolla atereseng e latelang ya email: reports@nac-sa.org.za.

Ditlaleho tsohle di tla tshwarwa e le sephiri mme e tla tsamaiswa ke ofisi yaka.

Easy Pay

Nakong e fetileng ke ile ka bolela hore re na le tumellano le EasyPay jwaloka mokgwa wa ho thusa maloko ho romela dikabelo tsa bona. Mokgwa ona wa tshebetso e sebetsa hantle le ka mokgwa o phethehileng mabenkeleng ana a latelang Woolworths, Pick 'n Pay, Boxer, Makro, Game le Builder's Warehouse.

Re santse re emetse qaleho ya ketsahatso mabenkeleng a latelang, e leng Shoprite, Checkers, USave, Pep le Ackermans.

Ke leboha bohle bao ba tswelangpele ka ho ntsha dikabelo tsa bona.

COVID-19 sehlopha se ekarabellang

Sehlopha sa rona sa tshebetso se neilweng mosebetsi wa ho abelana ka ditaello tsa ho kgutlela kerekeng. Matsatsing a tlang, le tla fumana tokomane e reng “Ditaello tsa ho kgutlela kerekeng” Hlokomelang hore tokomane ena e entswe ho ya ka melao e sebetsang nakong ena ya thibelo ya metsamawo ya boemo ba 3. Ha melao e ntse e fetoha, re tla nne re le tsebise.

Administration offices, Cape Town & Johannesburg

Re tla qala ho sebetsa diofising tsa tsamaiso ka basebetsi ba sa fellang ho tloha ka Mantaha ka la, 13 Phupu 2020.

Dikananelo tsa ho qetela

Mantswe a kgethehileng a diteboho ho bohle!